

**Talamdan
sa Mga Mensahe alang sa Full-time Training
sa Fall Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
FILIPPOS UG COLOSAS**

Mensahe 12

Maggawi diha ni Cristo sa Sigpit nga Dalan nga Maghatod sa Kinabuhì

Basahong Kasulatan: Col. 2:6-7; Mat. 7:13-14; Bug. 3:7-14

- I. Niingon ang Colosas 2:6-7, “Busa kay gidawat na man ninyo ang Cristo, si Jesus nga Ginoo, paggawi mo diha Niya, kay gipagamot ug gitukod na man diha Niya, ug gilig-on diha sa pagtuo ingon sa gitudlo kaninyo, nga madagayaon sa pagpasalamat”:**
- A. Si Cristo ang pahat nga giapod-apod sa mga balaan (1:12) aron mapahimuslan nila; ang pagtuo ngadto Niya pagdawat man Kaniya; isip Espiritung malangkobon-sa-tanan (2 Cor. 3:17; itandi sa 4:5), nisulod Siya nato ug nipuyo sa atong espiritu (2 Tim. 4:22) aron mahimong tanan nato.
 - B. Kay nadawat na man nato si Cristo, maggawi gyod ta diha Niya; dinhi ang paggawi mao ang pagkinabuhì, paglihok, ug pagpaanaa sa atong pagkatawo; maggawi, magkinabuhì, ug maglihok gyod ta diha ni Cristo aron makapahimuslan ta sa Iyang kadato (Efe. 3:8), maingon nga nagkinabuhì ang mga anak sa Israel sa maayong yuta, nagpahimuslan sa tanang dagayang abot niini (Exo. 3:8).
 - C. Madawat nato si Cristo sa pagduol nato Kaniya segun sa atong kahimtang; niingon ang *Alawiton*, #1048 nga, “Segun sa akong kahimtang... / Cordero’s Dios, nia ako!”; sa madawat nato si Cristo, maggawi gyod ta diha Niya sa samang paagi sa pagduol nato Kaniya matag buntag—“Ginoo, dili ko makamao moampo, apan niduol ko Nimo segun sa akong kahimtang ug sa akong sitwasyon; wala kiniy kalabotan sa akong pagbati; nag-agad kini sa Imong paggiya.”
- II. “Panulod mo agi sa piot nga ganghaan, kay lapad ang ganghaan ug sangkad ang dalan nga maghatod sa pagkalaglag, ug daghan ang manulod agi niini. Kay piot ang ganghaan ug sigpit ang dalan nga maghatod sa kinabuhì, ug diyotay ra ang makakaplag niini”— Mat. 7:13-14:**
- A. “Ang dalan nga maghatod sa kinabuhì” mao ang dalan nga maghatod sa buhing ganti sa kinabuhì; mao kini ang Dalan (Buh. 9:2; 19:9, 23; 22:4; 24:22)—ang paagi sa kamatuoran (2 Ped. 2:2), ang tul-id nga gawi (v. 15), ang paagi sa pagkamatarong (v. 21), ang dalan sa kalinaw (Luc. 1:79; Rom. 3:17), ang dalan sa kaluwasan (Buh. 16:17), ang dalan sa Dios (Mat. 22:16; Buh. 18:26), ug ang dalan sa Ginoo (Juan 1:23; Buh. 18:25).
 - B. Ang sangkad nga dalan nga maghatod sa pagkalaglag sumala man sa kalibotanong mga sistema, nga magtagbaw sa natural nga mga gusto; madawat sa panon sa katawhan; magmintinar sa propesyon sa tawo; ug maghuman sa patigayon sa tawo—Mat. 13:31-33; Bug. 2:13, 20; 17:4-5.
 - C. Ang sigpit nga dalan nga maghatod sa kinabuhì sumala man sa diosnong mga lagda, nga magtuman sa espiirituhanong mga gipangayo nga magpadangat sa piniling katawhan sa Dios ug manghimatuod ni Jesucristo nga magtuman sa pamatigayon sa Dios aron matukod ang Lawas ni Cristo—Rom. 1:9; Heb. 11:5-6; Bug. 1:1-2, 9-10.
 - D. Ang paaging gitudlo sa Dios pagkinabuhì ug pagbuhat man nga kanunayng piot ug sigpit, nga sumala sa sumbanan sa dili maasoy nga kinabuhì ug pagpangalagad sa Ginoo—Juan 5:19, 30; 4:34; 17:4; 14:10, 24; 7:16, 18.
 - E. Maggawi gyod diha sa atong espiritu kitang naa sa pahiuhi sa Ginoo; maglimiti nato ang paggawi diha sa espiritu, magpakinabuhì nato sa normal nga Cristohanong kinabuhì ug maghimo natong lagsik, himsog nga mga magtutuo nga naglakaw sa dalan sa kinabuhì alang sa pagtukod sa Dios—Rom. 8:4; Gal. 5:16, 22-23; 1 Tes. 5:16-18.

- F. Kat-onan gyod nato nga maglimiti sa atong kaugalingon sa pagpangabudlay nato segun sa sukod sa sukdanan nga gibahin kanato sa Dios nga nagsukod, sa Dios nga nagbuot—2 Cor. 10:13-15.
- G. Labi tang malimitihan, labi sab tang madumalahan ug labing magmahimsog; nagpasabot ang malagsik og mahimsog; nagtinguha si Pablo sa pagmaymay sa tagsatagsa ka tawo ug pagpanudlo sa tagsatagsa ka tawo sa tanang kaalam aron ikapaatubang niya ang tagsatagsa ka tawo nga hingkod na diha ni Cristo; wala magsalig si Pablo sa mga milagro, labi hinuon naa sa “tagsatagsa ka tawo” ang iyang pagbuhat—Col. 1:28-29; Buh. 20:19-20, 31.
- H. Magpabilin gyod ta sa dalan sa kinabuhi, sa linya sa kinabuhi, sa pagmintinar sa kinabuhi pinaagi sa pagpahimulos nato ni Cristo nga kahoy sa kinabuhi diha sa agay sa kinabuhi alang sa pagtukod sa Dios diha sa kinabuhi pinaagi sa pagtubo nato sa kinabuhi—Juan 10:10b; Bug. 22:1-2; Efe. 4:16; 2:21-22.
- I. Magpabilin ta sa dalan sa kinabuhi pinaagi sa pagkaon nato ni Jesus sa pag-ampo-basa ug pagpamalandong nato sa pulong ug sa pagpangalagad sa pulong ingon nga Espiritu ngadto sa uban sa paggamit nato sa atong espiritu—Juan 6:57, 63; Efe. 6:17-18; Sal. 119:15 ug nota 1; Jer. 15:16; Mat. 4:4; 24:45; 1 Cor. 2:4-5, 13.

III. Ang dalang gitudlo sa Dios alang sa iglesia mao ang dalan sa Filadelfia; kining dalang gitudlo sa Dios mao ang sigpit nga dalan nga maghatod sa kinabuhi—Bug. 3:7-13:

- A. Ang kinaiya sa mga mananaog sa Filadelfia mao ang ilang gugmang inigsoon (3:7-8); naghari ang gugma sa ilang taliwala mao nga giatiman nila ang mga tawo sumala sa Dios (1 Ped. 5:2) pinaagi sa pagpangga kanila sa makalipayng presensya sa Dios ug pagtil-og kanila sa himsog nga pagtulon-an sa pamatigayon sa Dios (Efe. 4:11; 5:29; Buh. 20:28).
- B. Ang pagpahiuli sa Ginoo sa Filadelfia pagpahiuli man sa kalidad, pagpahiuli sa pagkamao sa iglesia sa sinugdan, sa sulodnong pagkamao sa Dios, nga mao ang gugma (1 Juan 4:8); ang pagbarog diha sa tinuod nga sukaranan sa pagkausa, sa sukaranan sa iglesia, pagpili man nga mahigugma sa tanang igsoon (Bug. 3:7a; itandi sa 2:4, 7).
- C. Objectibo alang nato ang paggamit sa Ginoo sa yawe ni David sa pag-abli sa pultahan aron mapakaylap ang Iyang pahiuli, apan gigamit sab ni Cristo ang yawe ni David aron subjectibong ablihan ang pultahan sa tawo nato sa sulod aron matransporma ug matukod ta nga balay sa Dios ingog haligi nga dunay ngalan sa Dios, ang ngalan sa Bag-ong Jerusalem, ug ang bag-ong ngalan sa Ginoo—v. 17; 3:12; itandi sa 21:22:
 - 1. Nagpasabot *ang ngalan sa Akong Dios* nga ang haligi mao ang Dios; nagpasabot *ang ngalan sa syudad sa Akong Dios* nga ang haligi mao ang Bag-ong Jerusalem, ug nagpasabot *ang Akong bag-ong ngalan* nga ang haligi mao si Cristo nga bag-og kahulogan; ang mananaog isip haligi nahimong Dios sa kinabuhi ug sa kinaiya apan dili sa ranggo sa pagkadios, nahimo siyang inug-umol sa Bag-ong Jerusalem, ug nahimo siyang Cristo nga bag-o sa kasinatian—3:12.
 - 2. Ang Bag-ong Jerusalem mao ang bag-ong Cristo; isip pagdako ug paglapad sa Dios, kita si Cristo sa bag-ong kahulogan ingon nga Bag-ong Jerusalem; dili pareho ang bag-ong Cristo kon unsa Siya sa upat ka Ebanghelyo; ang pangasaw-onon, nga pagtubo sa Pamanhonon, mao ang Bag-ong Jerusalem, nga naglakip sa tanang gipanganak pag-usab sa Dios—Juan 3:29-30; Bug. 21:9-10.
 - 3. Imposible gyod para sa tawo nga matukod ta ngadto sa Dios, mahimong inug-umol sa Bag-ong Jerusalem, ug mahimong bahin sa bag-ong Cristo, apan ang balaod sa Espiritu sa kinabuhi sa sulod nato dunay elemento nga makadaog sa pagkaimposible—Rom. 8:2-4; Luc. 18:27; itandi sa Gen. 28:12-19; Juan 1:51.
- D. Labi gyong nagtagad sa kinabuhi kaysa buhat, sa kalidad kaysa gidaghanon, ang mga mananaog sa Filadelfia (itandi sa 1 Cor. 3:12); duna silay “diyotayng kusog” ug pagkaamgo nga dili ang daghang pagbuhat nila alang sa Ginoo ang makapahimuot Niya kondili ang pagbuhat nila kutob sa ilang mahimo alang Niya pinaagi sa naa nila (Bug. 3:8; Mar. 14:8).
- E. Gituman sa mga mananaog sa Filadelfia ang pulong sa Ginoo diha sa Iyang bugtong-talagsaong pagpangalagad sa Bag-ong Tugon (Bug. 3:8), nga nagdala nila sa tinuod nga pagtamod, paghigugma,

ug pagpahimulos sa bililhong persona ni Ginoong Jesucristo mismo isip ilang kinabuhi ug tanan (2 Cor. 11:2-3).

- F. Gituman sa mga taga-Filadelfia ang pulong sa Ginoo nga naghimo nilang “dato ngadto sa Dios” (Bug. 3:8; Luc. 12:21) pinaagi sa pag-ampo-basa ug pagpamalandong nila sa Iyang pulong aron tipigan ang Iyang pulong sa ilang kasingkasing (Efe. 6:17-18; Sal. 119:11, 15); ang ibayaw ang atong mga kamot ngadto sa pulong sa Dios nagpasabot nga mainiton ug malipayon nato kining dawaton ug mo-Amen niini (v. 48; Neh. 8:5-6).
- G. Gisalikway sa mga mananaog sa Filadelfia ang tanang ngalan nga dili ngalan ni Ginoong Jesucristo, ug nitawag sila sa ngalan sa Ginoo, nga dato sa tanang motawag Niya (Rom. 10:9-10, 12-13); dayag silang niila nga “si Jesucristo ang Ginoo ngadto sa himaya sa Dios Amahan” (Fil. 2:11), ug wala nila isangyaw ang ilang kaugalingon kondili si Cristo Jesus nga Ginoo ug ang ilang kaugalingon ingon nga mga ulipon sa mga magtutuo tungod ug alang ni Jesus (2 Cor. 4:5).
- H. Ang kataposang pulong ni Brother Lee sa mga anciano sa Anaheim: “Maghigugmaay gyod sa usag usa ang mga anciano, maghigugmaay gyod sa usag usa ang ilang mga asawa, ug higugmaon gyod nila ang mga anak sa usag usa.”

IV. Mapakyas ngani ang Filadelfia, mahimo kining Laodicea—Bug. 3:7, 14:

- A. Nahiwi nga Filadelfia ang Laodicea; inigkawala sa gugmang inigsoon, ang opinyon sa kadaghanan mao ang opinyon nga gidawat; basta uyon ang kadaghanan, OK ra kini.
- B. Sa panan-aw sa Ginoo, pagkadagaang ug espirituhanong garbo ang mga kinaiya sa Laodicea—vv. 15-18:
 - 1. Naggikan sa nangagi ang espirituhanong garbo; dato ang uban kanhi, ug abi nilag dato pa gihapon sila; nahinumdom pa gihapon sila sa ilang kaagi, apan nawad-an na sila sa kinabuhi nila kanhi.
 - 2. Gikaluy-an sila sa Ginoo kanhi, ug gidumdom nila ang ilang kaagi, apan nawala na nila karon kanang realidara; nahinumdom sila nga adunahan sila kanhi ug nadato ug wala na magkinahanglag bisan unsa, apan kabos ug buta na sila karon.
- C. Kon buot tang magpadayon sa dalan sa Filadelfia ug maglikay nga mahimong Laodicea, hinumdoman gyod nato nga magpaubos ta atubangan sa Ginoo—Mat. 5:3; Isa. 57:15; Gal. 6:3.
- D. Nagpasabot ang Laodicea og nasayod sa tanan apan, sa pagkatinuod mainiton diay sa wala; sa ngalan, naa niini ang tanan, apan dili kini makasakripisyo sa iyang kinabuhi alang sa bisan unsa; nahinumdom kini sa kanhing himaya niini apan nalimot sa kahimtang niini karon atubangan sa Dios; Filadelfia kini kanhi, apan Laodicea na karon—Bug. 3:15-18:
 - 1. Dunay kahibalo sa mga doktrina kalabot ni Cristo ang nadaot nga napahiuling iglesia, apan wala kaayoy buhing pagtuo nga moambit sa diosnong elemento ni Cristo.
 - 2. Ang puti nga mga bisti nagtimaan sa paggawi nga maaprobahan sa Ginoo; kanang paggawia mao ang Ginoo mismo nga gikinabuhi sa iglesia, ug gikinahanglan kini sa nadaot nga napahiuling iglesia aron itabon sa iyang pagkahubo.
 - 3. Ang tambal nga gikinahanglan para idihog sa ilang mga mata mao gyod tingali ang nagdihog nga Espiritu (1 Juan 2:27), nga mao ang Ginoo mismo nga Espiritung taghatag-og-kinabuhi (1 Cor. 15:45b); nagkinahanglan ang nadaot nga napahiuling iglesia og tambal sa mata aron maayo ang iyang pagkabuta (itandi sa Job 42:5-6).
- E. Nakapadagaang sa nadaot nga napahiuling iglesia ang patay, kawang nga kahibalo ug dinoktrinang mga porma; maghinulsol gyod siya sa iyang pagkadagaang ug magmainiton, magbukalbukal, magdilaab, aron sa ingon niana makapahimulos na sab siya sa realidad ni Cristo.
- F. “Palingkoron Nako uban Nako sa Akong trono ang makadaog, maingon nga nidaog sab Ko ug nilingkod uban sa Akong Amahan sa Iyang trono. Ang dunay igdulungog, papamatia siya sa gisulti sa Espiritu sa kaiglesiahan”—Bug. 3:21-22:
 - 1. Ang pagdaog dinhi pagdaog man sa pagkadagaang ug garbo sa nadaot nga napahiuling iglesia, pinaagi sa pagbayad aron makapalit sa mga butang nga gikinahanglan, ug sa pag-abli sa

- pultahan aron makasulod ang Ginoo; ang *maingon nga nidaog sab Ko* nagpakita nga naglakip sa tanang mananaog si Cristo nga bugtong-talagsaong Mananaog.
2. Mahimong ganti sa mananaog ang paglingkod uban sa Ginoo sa Iyang trono, aron makaambit siya sa pagbulot-an sa Ginoo ug mahimong masigka-hari Niya nga magbuot sa tibuok yuta sa umalabot nga gingharian sa millennium.